

Забидий / ВАҲИЙНИНГ БОШЛАНИШИ КИТОБИ / 992-ҳадис

992/2127 - عَنْ جَابِرِ رَضِيَ اللَّهُ عَنْهُ قَالَ: تَوَفَّى عَبْدُ اللَّهِ بْنُ عَمْرٍو بْنِ حَرَامٍ وَعَلَيْهِ دَيْنٌ، فَاسْتَعْنَتْ النَّبِيَّ صَلَّى اللَّهُ عَلَيْهِ وَسَلَّمَ عَلَى غُرْمَائِهِ أَنْ يَضَعُوا مِنْ دَيْنِهِ، فَطَلَبَ النَّبِيُّ صَلَّى اللَّهُ عَلَيْهِ وَسَلَّمَ إِلَيْهِمْ فَلَمْ يَفْعَلُوا، فَقَالَ لِي النَّبِيُّ صَلَّى اللَّهُ عَلَيْهِ وَسَلَّمَ: «ادْهَبْ فَصِنِّفْ تَمْرَكَ أَصْنَأًا، الْعَجْوَةَ عَلَى حِدَةٍ، وَعَذَقْ زَيْدٍ عَلَى حِدَةٍ، ثُمَّ أَرْسِلْ إِلَيَّ». فَقَعَلْتُ، ثُمَّ أَرْسَلْتُ إِلَى النَّبِيِّ صَلَّى اللَّهُ عَلَيْهِ وَسَلَّمَ، فَجَلَسَ عَلَى أَعْلَاهُ، أَوْ فِي وَسْطِهِ، ثُمَّ قَالَ: «كِلَ لِلْقَوْمِ». فَكَلْتُهُمْ حَتَّى أَوْفَيْتُهُمُ الَّذِي لَهُمْ، وَبَقِيَ تَمْرِي كَأَنَّهُ لَمْ يَنْقُصْ مِنْهُ شَيْءٌ.

992.2127. Жобир розияллоху анхудан ривоят қилинади:

«Абдуллоҳ ибн Амр ибн Ҳаром зиммасида қарзи билан вафот этди. Ҳақдорлари унинг қарзидан бир қисмини кечиб юборишсин, деб Набий соллаллоху алайҳи васалламдан ёрдам сўрадим. Набий соллаллоху алайҳи васаллам улардан (буни) талаб қилган эдилар, қилишмади. Набий соллаллоху алайҳи васаллам менга: **«Бориб, хурмоларингни ажвасини алоҳида, азқи Зайдини алоҳида қилиб, навларга ажрат. Сўнгра менга одам жўнат»**, дедилар. Мен ўшандай қилиб, сўнг Набий соллаллоху алайҳи васалламга одам жўнатдим. У зот унинг тепасига ёки ўртасига ўтирдилар. Кейин: **«Одамларга тортиб бер»**, дедилар. Уларга тортиб бердим, ҳатто ҳақларини тўлиқ қилиб бердим. Хурмойим эса ортиб қолди. Гўё ундан ҳеч нарса камаймагандек эди».

Фирос айтади: «Шаъбийдан ривоят қилинади: «Бизга Жобир розияллоху анху сўзлаб берди: «Набий соллаллоху алайҳи васаллам уларга тортиб-тортиб беравердилар, ниҳоят уни адо қилдилар».

Ҳишом айтади: «Ваҳбдан ривоят қилинади: «Жобирдан ривоят қилинадики, Набий соллаллоху алайҳи васаллам: **«Унга (ҳақдорга) бўлиб-бўлиб бер ва тўлиқ қилиб бер»**, дедилар».



HADIS.ISLOM.UZ
NUBUVVAT MARVARIDLARI